



Atassut  
Siverth K. Heilmann

3. november 2021  
UKA 2021/75

**Inatsisartut isummerfigisassaattut siunnersuut, Naalakkersuisut peqquneqassasut Angalallutik immikkut suliaqartussanik pilersitseqqullugit, immikkut atuartitsinermut tapersiinermik suliaqartussanik tassani sineriammi atuarfinni ilinniartitsisut aaliangersimasut immikkut atuartitsinerat qaffassarniarlugu.**

(Inatsisartunut ilaasortaq Nivi Olsen, Demokraatit)

Siunnersuuteqartup anguniagaa paasinarluarpoq. Meeqqammi ilinniartitaanikkut immikkut pisariaqartitallit, ikorfartorneqarnissaminut pisariaqartitsisut sapinngisarput tamaat ikiorniartariaqarpagut.

Siunnersuuteqartullu anguniagaa, tassa meeqqat immikkut atuartinneqartut pitsaanerpaamik ilinniartinneqarnissaat, kiisalu meeqqat atuarfiannik naammassinnissinnaanissaannik sakkussanik tunineqarnissaat paasilluarparput. Tassungalu atatillugu ilinniartitsisut ilinniartitsinikkut sakkussaannik pikkorissartinneqartarnissaat aqutissatut siunnersuutigineqartoq paasilluarsinnaallugu Atassummiit ilalerumavarput.

Aningaasarpassuillu atorneqartussaasut takusinnaallugu, suli taperserusupparput, tassami ilinniartitaanikkut qaffasaanissaq pisariaqarluinnarmat. Meeqqallu katataasussaagaluit ikorfartorneqarluarsinnaalernissaannik iluaqutissaqarpat akissaqarfigisariaqarparput.

Taamatut naatsumik Atassummiit siunnersuut ilalerparput, pisariaqartinneqarpallu ilinniartitaanermut ataatsimiititaliamut siunnersuut innersuussullugu.